

Date – 23/09/2025
Time - 07:30 -07:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Chief Minister Pu Lalduhoman Mizoram ram tana tha lo tur leh him lo tur hi chu ZPM party leh Sorkarna fawng chelhtuten an ti hauh lovang tih rin ngam a ngai a ti.
2. MNF Party Treasurer Pu Lalruatkima chuan, FCAA, 2023 hmangin ZPM sorkar chuan ram an hralh a ti.
3. Prime Minister Narendra Modia chuan GST thar hman anih tak avangin mipuiten sum tam zawk an khawl thei tawh dawn a ti.
4. Nimin Navrati ni hmasa berah sawrkar chuan Pradhan Mantri Ujjwala Yojana hnuaiah LPG Connection thar nuai 25 chuang kumin sawrkar kum chhunga pek a remti.

<><><>

CM

Chief Minister Pu Lalduhoman Mizoram tana tha lo tur leh him lo tur hi chu ZPM party leh Sorkarna fawng chelhtuten an ti hauh lovang tih rin ngam a ngai a ti.

Nimina ZPM office ah thusawiin Pu Lalduhoma chuan FCAA chungchang sawiin, Central sorkar ngaih sual lutuk chu a dik lo a, a pawng a taka Mizote tihchhiat tuma hma la tur anga sawi pawh a dik lo a, ram thatna tur zawka ruahmanna siam an ni ati.

Pu Lalduhawma chuan, sorkar laipuiin Dan thar Forest Conservation Amendment Act 2023 a siam chu MNF sorkar lai a ni a, Guideline leh Rules te chhiar lovin an inhlah siak a, a pawng ang tiin zir chianna a la awm lo nen resolution te pasa-inkan do a a, Amaherawh chu Guideline-te a rawn chhuak a, ZPM a sorkar hnuaiah an zirchian chuan he Dan hi an mamawh zawk niin an hre ta a House-ah lungrual takin an pass a ni a ti.

Chief Minister chuan, “He Dan an hlah chhan ber International border tanga Km.100 huam chhunga Forest clearance lak harsa lutuk hi a awm tawh tur a ni lo tih a ni a. 100Km bialah hian a vaiin exemption an pe ngawt lova, Linear Project an tih heng Kawngpui te, Rel kawng te, Gas & Oil Pipeline te, Power Transmission line leh Strategic Security and Public Utility vantlangin an mamawh thil te a ni. Hengah hian hma an la a nih pawhin an hnathawhna chin

bak kha ram pek an ngai lo a ti a, hei bakah hian heng hmalakna te en chuan mipuiten nitina an chhawr leh an mamawh ngawih ngawih an ni, a ti.

Mizo te chu State sorkar in phalna an pek loh chuan BEFR 1873 in min hum tlat a, hemi hnuaiah hian Inner line Permit pawh la pek chhuah reng a ni a ti a, India constitution-a 7 Schedule State list entry 18 leh 23 naah hian leilung hausakna chungchanga himna a awm a, Article 371 G-ah pawh himna a awm bawh tih sawiin ram tana tha lo tur leh hlauhawm tur chu ZPM party leh sorkarna fawng chelh tuten an ti dawn lo a, hlauh an inzirtir nasa lutuk chu a paw em em a, hlauh tur dik tak Pathian hlauh a tha ber a ni a ti.

<><><>

MNF

MNF Party Treasurer Pu Lalruatkima chuan, FCAA, 2023 hmangin ZPM sorkar chuan ram an hralh a, ZPM sorkar adin tirh phat atangin an kutchhuak ni miah lo Lengpui Airport, ZMC Falkawn leh Serlui B Hydel project te hralh tumin an rel nghal a ni a ti.

An Party Inkhawm Mizo Hnam Runa neihah he thu hi sawiin pu Lalruatkima chuan hnamdang mihausa Inneih a hmanpui denchhenin Mizoram chu an zuar kual an zuar kual a, mahse tun thleng chuan hralhna an la hre chuang lo a ni, a ti a. Mizoram hian hmasawwna Development nei tura Infrastructure ropui tak tak neih chu a awtin a duh ngei mai, amaherawhchu ram, hnam leh sakhua a him dawn em tih ngun taka ngaihtuah chungin, a that dawn loh emaw a him dawn loh chuan hmanhmawh miah lova ngaihtuahna hman a tul tak zet a ni, a ti bawh.

Mizo Nationalism chu mipuite inngahna Lungphum a nih chhung chu hnam a him dawn a ti a. ZPM sorkarah ram a thlaphang a, a rum mek a, Bairabi Rail station a Hitachi tam tham zet rawn phur luh a ni te khan kan ram rohlu- Thing leh Mau, Nungcha engtin nge an suasam ang tih ngaihtuah ngam pawh a nih loh thu a sawi bawh.

Mizo tribalte inhung bikna Article 371G ngei pawh sum leh pai, hausakna duh luat vangin ZPM chuan halral thil hlan atan an hmang mek niin a sawi a, Pu Laldenga’n “Kan lunglen thu chu thudang ah dah ta ila, Arona hovin Sebawngno an lo chhun hi kan hlau a ni” a tih ang khan, vawiina sorkar kalphung en hian Zoram khawvar thlen tir chu a hla ta hle a ni a ti. Zoram mipuiten Mizo Nationalism chu Development maicham ah halral thil hlan atan hlan ve a thian loh thu sawiin, kum 2028-ah Zoram kalphung siam tha leh turin MNF chu Hnam rilru pu flat chung a sawrkar leh ngei a tul a ni a ti.

<><><>

GST REFORMS

Sorkar laipuiin GST chhiah a tih hniamna, GST 2.0 nimin atanga hman tan chu thil leitu mipuiten an chhawr tangkai hle dawna an hriat thu an sawi.

Akashvani Aizawl chuan thil leitu mi thenkhat a kawm kual a, zawhna chhangtute chuan GST chhiah tih hniam a ni chu lawmawm an tih thu an sawi a, Pu Krawspara chuan tunhmaa nitin mamawh Sahbawn, Toothpaste, Chhang, Chips leh bawnghnute atanga thil siamchhuahah te GST zaa 12 atanga zaa 18 lak thin chu zaa 5 ah a tlakhniam tak vek avangin a man tlawm

phah dawn lo mahse a sahbawn a kha an rawn ti lian tawh dawn tih company thenkhat sawi a hriat thu leh tunhmaa Car leh Electronic item hrang hrang te pawh a man tla hniam dawrh a, Health Insurance leh Life Insurance a GST chawi thin te pawh engmah chawi ngai lova an rawn siam ta chu lawmawm a tih thu sawiin, hei hi mipui nawlpui chuan an hmang tangkai hle dawn a a hriat thu a sawi.

Zorinpuii chuan nitin mamawh man tlawm zawka lei theih a nih tawh dawn avangin lawmawm a tih thu a sawi a, hei hian chhungkaw nawlpui dinhmun a siamtha ang a, Mizoram bakah ram pumah nghawng tha zawk a neih a rin thu a sawi a, mipuite chuan GST rate thar hnuaia thil man tih tlawm te chu zirchiangin, a man tlawm ang chuan an lei reng em tih chik se tha a tih thu a sawi bawh a ni.

Prime Minister Narendra Modi-a'n Diwali puala ram mipuite hnena thilpek a hlan GST 2.0-ah hian nitin mamawh sabon atanga ha-siai te, damdawi pawimawh life-saving drugs, car tenau, lirthei kehni nei, TV, AC, insakna hmanrua cement leh loneihna lama hmanraw pawimawh tak tak man te chu a tlahniam a, Akashvani Aizawl-in a kawmnaah State Tax Commissioner Pu HK Lalhawngliana chuan GST rate thar hnuaia rate tihhniam tawh, man to a la zuarte chu Anti-Profiteering measures dan hmangin hrem theih an nih thu sawiin, mipuite chu an dikna chanvo hre tur leh GST-a inziak lut dawrkaite hnena an thil leite chu cash memo chauh ni lovin tax invoice dil tel thin turin a chah a ni.

Sorkar laipuiin GST lak dan thar a siam hi Lungleiah pawh a tha zawngin nghawng a nei nghal tih kan corr chuan a sawi a,.

Bawnghnute hmana thil siam hrang hrang pechhawngtu agent lian Pi Jennyfer-i LZ Trader chuan nimin khan Bill cut hman chiah lo mahse a hma a an lo lak tawh pawh GST hniam ang hian an kalpui nghal dawn tih a sawi a. Bawnghnute product hi zaa 5 a a hniam avangin Amul Gold Case 1 Rs 950 ni thin chu Rs 905 velah a tlahniam ang a, chutiang zat chuan Wholesale dawrah pek a ni ang a ti. Zuarchhawngtu Wholesaller te hian mipui hnenah an hralh tlawm ve dawn em tih chu a pawimawh lai tak a ni tih sawiin anni Agent chuan a man an tihnam nghal a, mipuiin an thil leina an lo chik ve a ngai a ni a ti. GST hniam hma a an lo chah thlen tawh pawh nise Input Tax Credit hmangin Tax hniamna hi a Claim theih tho a, thil chiangsa reng leh langtlanganih vangin Tax hniam anga hralh chhuah chu tih makmawh a ni a ti.

Hetihlai hian Lirthei lamah chuan nidang aiin agent-ah Booking ti leh Motor man tlawm dan ngaihven an tam hle ni a thu dawn a ni a. CK Hyundai, Zotlang Lungleiah chuan Tax lakna a hniam dawn tih hriat vangin Motor leitur Booking an pung chho nghal a, booking tih tum, chanchin ngaihven pawh an ngah hle tih an sawi.

Mahindra Show room, Lungleiah pawh nimin khan Booking ti mi 5 an awm a, nikhatah hetiang zat Lungleiah Booking ti an la awm ngailo tih sawiin GST lakna hniam chu lawmawm an tih thu an sawi. Booking ti bakah chanchin ngaihven a dawr a kal leh Phone call an dawng tam hle a, vawiin lamah

Booking ti tur an awm leh nual an ring a ni. Hemi hma lam khan Company hian Offer a lo siam ve hrim hrim a, mahse GST hniam hun nghak an awm a, chung ho chuan hun tha hi bawhpelh an tum lo hle ni a hriat thu an sawi a ni.

Mana Motor, Lunglei Ramtharah pawh nimin khan Booking ti mi 5 an awm tih an sawi a, Customer pawh an pung tih sawiin vawiin lam a ngaihven tum leh te pawh an awm nawk an ti a, Inrinni khan mi 47 vel chuan Booking an ti tih an sawi bawk.

<><><>

AYURVEDA DAY

Directorate of Ayush Mizoram bultumin vawiin hian Aizawl Vanapa Hall-ah ram hmul damdawi hmanga inenkawlna, Ayurveda Day hman a ni ang.

Akashvani Aizawl zawhna chhangin, Auyrveda Dr Shirley chuan kumin Ayurveda Day thupuih hian khawvel leh mihringte tan Ayurveda "Ayurveda for People & Planet' tih a ni a ti a, mihring natna ringawt ni lova, chhehvel leilung, nungchate, thing leh mau te nena inbuk tawk taka awm chu hriselna atan a tha tih chu a thupui a ken tel a ni a ti a, Ayurveda chu Sanskrit tawng niin, Mizo tawng chuan hringnun zirchianna tih te pawhin a sawi theih a ti a, Ayurveda hmanga inenkawlna chu kum 5000 kalta atang tawh khan India-ah an lo kalpui tawh tih sawiin, ram hmul damdawi chu damdawi atana an hman ber a ni a, hriselna atana inenkawlna lamah chuan a upa ber anga ngaih a ni tih sawiin, India ram chhulchhuak tiin a sawi theih a ti a, Ayurveda chuan natna enkawl dam mai bakah mi hrisel sa pawh engtinng hrisel taka a awm reng theih ang tih te, nitina nun dan tur, taksa insawizawi dan tur, sik leh sa inthlak danglam dan a zira ei leh in tur tha leh tih leh tih loh tur te a zirtir a ti a, Ayurveda-a inenkawlna chi khat, taksaa bawlhhlawh awm paihchhuahna Panchakarma Therapy chu Integrated Ayush Hospital, Thenzawl leh Civil Hospital Aizawl-a Ayush Department ah te pawh a tih theih tih a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM ON GST

Prime Minister Narendra Modia chuan GST thar hman anih tak avangin mipuiten sum tam zawk an khawl thei tawh dawn a ti. Nimina Navrati puala mipuite lehkha a thawnah he thu hi tarlangin Pu Modia chuan GST thar avang hian sumdawnna a awlsam tawh dawn a ti a. Ramchhung mipuite chu mahni tualchhung thilsiam lei kawngah phurna thar an neih a beisei thu a sawi a ni.

Puan tawh angina nimin atang khan ni 9 aw h tur Navrati kut hman tan a ni a. He hunah hian Hindu te pathiannu Durga pualin hun hman thin a ni a. A ni kuanaah Dussehra hmangin khar thin a ni.

<><><>

PM UJJWALA

Nimin Navrati ni hmasa berah sawrkar chuan Pradhan Mantri Ujjwala Yojana hnuaiah LPG Connection thar nuai 25 chuang kumin sawrkar kum chhunga pek a remti. He scheme dawngtu hmeichhiate duhsakna hlanin PM Modia chuan he sakhaw kutah hian an nunah hlimna a thlen mai bakah an dinhmun chawisan anih tur thu a sawi. Union Petroleum and Natural Gas Minister Hardeep Singh Puri chuan chanchinbumite kawmin he scheme atan hian sawrkar chuan connection pakhat zelah hian cheng sang hnih chuang a seng dawn tih a sawi.

<><><>

SEVA PARV

Mipui rawngbawl leh sawrkar inrelbawlna tha thupuia neiin Prime Minister Narendra Modia hnuaiah ramchhungah hmasawwnna tam tak thlen mek a ni. Tun tum Seva Parv hunah chuan Modia sawrkarin eizawwna khaikhawmtu tha nei lo informal sector te tana hma a lakna tarlang ila. Pu Modia hian eizawwna huang thenkhat khaikhawmtu mumal nei lo nitin inhlawhfa te hamthatna tur a ngai pawimawh hle a. Hemi atang hian PM SVANidhi chu siam a ni a. He scheme hnuaiah hian kawngsira dawrtea thilzuar thinte tan loan pekchhuah thin a ni a.Kum 2020 COVID-19 hrilen laia bul tan niiin kum 2030 thlenga kalpui tura pawhsei a ni.

<><><>